

## Tsgħa ta lwa Pwal ŋa Filimuj

### *Ga zgu*

<sup>1</sup> I'i Pwal Tsam lu ma gamak ta ghəŋa vəl maganata da ta slna ta Yesu Kristi\*, kawadaga nda zwanama mu Timute ŋni ta vindagħafta, a gra Filimuj ta nzakway ta gwa ghəŋ nda aŋni ma mndərga na slna na.

<sup>2</sup> Ta ga zgu ŋni ŋa mukuma mu Apiya nda Artipus† ya ta wda slna Lazglafta manda aŋni guli. Ta ga zgu ŋni guli ŋa pɔakwa sanlaha ma Igliz ta tska vgha ma həga ga ghuni ka maga du'a.

<sup>3</sup> Ka nza zɔakatahuda Lazglafta Da nda Mghama mu Yesu Kristi ta ghəŋa ghuni. Ka vlagħunata həŋ ta zɔaku.

### *Rfay Pwal ta Lazglafta ta ghəŋa Filimuj*

<sup>4</sup> Inda fitika magay da ta du'a, ta kulay yu ta hga gha, ka rfa Lazglafta ta ghəŋa kagha,

<sup>5</sup> kabga snidighasna na zlghay ya zlghaf ka ta Mghama mu Yesu Kristi, nda dɔvuta ya dɔvu ka kahwathwata ta gwal zlghay nda ŋuduf.

<sup>6</sup> Ta maga du'a yu da Lazglafta ka maravata pghatá ghəŋa na zlghay nda ŋuduf nda gwa u mida na, nda ma slna u. Mantsa, ka zlagapta ŋərma skwi ta kumə ŋni ta magata gha ŋa Kristi bɔaŋay ta daɔi.

---

\* **1:1** Ngha ta ayaha 13, 22 nda 23. † **1:2** Ngha ta Ruma. 16:5.

<sup>7</sup> Zwanjama da, mndariga tsa dƙu ta dƙu ka ta gwal zlgħay nda ƙuduf ya nà, vlihavla ta rfu, ta ufiha ta vgha guli, kabga dƙudva ka ta gwal zlgħay nda ƙuduf, ka mbanafƙa hɔɗ.

*Ndɔba dzva Pwal da Filimuj ɗa tsu'afƙa Unesima*

<sup>8</sup> An mndani, má si slaghusla yu ma nzakwa da ka ghunata mnda Kristi, má ɗa mnaghatá tva skwi ma ɗa magay gha dina.

<sup>9</sup> Ama dzvu ta ndɔbu yu da kagha nda ma dƙu. I'i Pwal ya, glata mndu yu guli, wana ndanana tsamtsa lu ta i'i ma gamak, kabga maganata da ta slna ta Yesu Kristi.

<sup>10</sup> Ta ndɔba dzvu yu da kagha ta ghɔɗa zwanja da Unesima ya mutsaf yu ma Kristi, ma na nzakwa da ma gamak na.

<sup>11</sup> Wya si haƙ hayhayani da kagha ghalya wa. Ndana tama, dza'a katay ta kagha nda i'i tani.

<sup>12</sup> Wya yu ta ghunadaghapta, ya hara da ya.

<sup>13</sup> Si má ta kumay yu ta ɗaghuta tavata i'i hadna ma na nzakwa da tsam lu ma gamak ta ghɔɗa Lfiɗa Gwada, má ɗa magihatá slna ma vla gha, ya má da dawu yu ta magihata gha.

<sup>14</sup> Tsaw tama ná, laviɗ a yu ta magay ga ghɔɗ ga ghɔɗa da kul snanata yu da kagha wu, ba má da kagha katsi sabi da nzakw tsa zdakwa gha ya ka mbla kagha.

<sup>15</sup> Ba kada vrɔglavafƙa nzakwa ghuni ɗa kdekeden ƙa skwi nda Unesima kɔl tsi ka dgata vgha nda kagha ɗa fitik kwitikw.

<sup>16</sup> Ndanana ná, ta ka vu'a a nzakwani wu, mal tsatsi ka vu'a, nda nza ka zwanjama mu tegeƙtegeƙ.

Dvuđva i'i, kagha yeya dza'a kwal kul đvafta rki. Mnda səla ya, zwanama gha ya guli ma Kristi.

<sup>17</sup> Ka si klafkla ka ta i'i ka gra gha katsi ná, ka zlgħafta ka manda skwi vərđa i'i ta zlgħə ka.

<sup>18</sup> Ka si mamu dmaku mataba ghuni, nda ya ka mamu skwa gha da tsi, da i'i đawa ka.

<sup>19</sup> I'i Pwal, ta vindafta nda dzva đa yu, dza'a play yu, dməŋa đa kagha ma zlgħa nda ŋuđuf a skwi ta kumə yu ta mnay guli wa.

<sup>20</sup> Mantsa zwanama đa, ta ndəba dzvu yu da kagha ma hga Mghama mu, ka ləihata ka ta ŋuđufa đa ma guyatá vgha u ma Kristi.

<sup>21</sup> Ta vindi yu ta na đelewer na ná, nda sna yu kazlay: Dza'a magihamaga ka ta skwi ta đawu yu da kagha, nda sna yu guli dza'a magamaga ka ka malaghutá ya mna yu kə'a.

<sup>22</sup> Mantsa, ta đaway yu ta payidifta gha ta dzuguvi guli. Ta grafta yu ná, dza'a tsu'aftsu'a Lazglafta ta du'a ghuni ŋa vlihatani ta tvi ŋa đhadaghata đa da kaghuni.

### *Ga zgu ŋa dza ghəŋa gwada*

<sup>23</sup> Ta ga zgu Ipafras<sup>‡</sup> ŋa gha, ya tsam lu ma gamak kawadaga nda i'i ta ghəŋa maganatani ta slna ta Yesu Kristi.

<sup>24</sup> Ta ga zgu i Markus nda Aristarkus nda Demaska nda Lukwa, gwal ta ksə ŋni ta slna<sup>§</sup> kawadaga da həŋ, ŋa gha guli.

---

<sup>‡</sup> **1:23** Ipafras: Ngha ta Kwalasuha 1:7, 4:12.    **§ 1:24** Markus: Ngha ta 2 Timute 4:11, Aristarkus: Ngha ta Slna gwal ghunay 19:29, 27:2, Kwalasuha 4:10. Demas: Ngha ta Kwalasuha 4:14, 2 Timute 4:10. Lukwa Ngha ta Kwalasuha 4:14, 2 Timute 4:11.

<sup>25</sup> Ka nza zɔakatahuda Mghama mu Yesu Kristi  
nda kaghuni.

## **Deftera Lfida Dzratawi** **New Testament in Hdi**

copyright © 2013 Wycliffe Bible Translators, Inc.

Language: Hdi

Translation by: Wycliffe Bible Translators

Contributor: Wycliffe Bible Translators, Inc.

### **Copyright Information**

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Hdi

© 2013, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 18 Apr 2025 from source files  
dated 29 Jan 2022

f257b780-c0dd-5cce-9b20-430484439898